



Broj: 10/E-11-4094/24  
Sarajevo, 12-07-2024. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-237/24 od 25.03.2024. godine, (u daljem tekstu: Komisija II), u postupku javne nabavke usluga održavanja alarmnog sistema na vodovodu Nahorevo (objekat – rezervoar) provedene u skladu sa odredbama Pravilnika o postupku dodjele ugovora o uslugama iz Aneksa II. Zakona o javnim nabavkama („Službeni glasnik BiH“, broj 2/23) (Zapisnik o pregledu i ocjeni ponuda broj: 10/E-11-4094/24 od 05.07.2024. godine), Općinski načelnik donosi

### **ODLUKU O IZBORU NAJPOVOLJNIJEG PONUĐAČA**

- I.** Prihvata se ponuda ponuđača „**BH SIGURNOST**“ d.o.o. Tuzla, ulica Bosne Srebrene bb, 75000 Tuzla, broj: 53-06/24-A od 18.06.2024. godine, u ukupnom iznosu od **2.380,00 KM bez PDV-a**, odnosno **2.784,60 KM sa PDV-om**, za usluge održavanja alarmnog sistema na vodovodu Nahorevo (objekat – rezervoar).
- II.** Sa izabranim ponuđačem će se zaključiti ugovor, u skladu sa članom 4. stav (1) Pravilnika o postupku dodjele ugovora o uslugama iz Aneksa II. Zakona o javnim nabavkama („Službeni glasnik BiH“, broj 2/23).
- III.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo ([www.centar.ba](http://www.centar.ba)) u skladu sa članom 70. stav (6) Zakona o javnim nabavkama.

### **O b r a z l o ž e n j e**

Postupak za javnu nabavku usluga održavanja alarmnog sistema na vodovodu Nahorevo (objekat – rezervoar), pokrenut je Odlukom Općinskog načelnika o pokretanju postupka broj: 10/E-11-4094/24 od 05.06.2024. godine, putem Aneksa II. Zakona o javnim nabavkama („Službeni glasnik BiH“, broj 23/04).

Javni poziv za dostavu ponuda za predmetnu nabavku objavljen je na Portalu javnih nabavki, sa Obavještenjem o nabavci usluge iz Aneksa II, 848-9-2-6-22-89/24 od 12.06.2024. godine.

Procijenjena vrijednost javne nabavke iznosi 2.400,00 KM bez PDV-a.

U roku za predaju ponuda koji je određenom tenderskom dokumentacijom (25.06.2024. godine do 12:00 sati), na adresu Ugovornog organa dostavljene su 3 (tri) ponude, i to ponuđača: 1. „**BH SIGURNOST**“ d.o.o. Tuzla; 2. Agencija za zaštitu ljudi i imovine „**SWORD SECURITY**“ d.o.o. Sarajevo i 3. „**UNILAB**“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitane su cijene ponuda, kao kriterij „najniža cijena“, kako slijedi:



R/b	Ponuđač	Ukupna cijena bez PDV-a (KM)	Popust (KM)	Ukupna cijena sa popustom i PDV-om (KM)
1.	„BH SIGURNOST“ d.o.o. Tuzla	2.380,00	/	2.784,60
2.	Agencija za zaštitu ljudi i imovine „SWORD SECURITY“ d.o.o. Sarajevo	1.486,00	/	1.738,62
3.	„UNILAB“ d.o.o. Sarajevo	1.120,00	/	1.310,40

Nakon izvršenog javnog otvaranja ponuda, na zatvorenom sastanku Komisija II je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponuda, kao i usklađenosti sa Javnim pozivom za dostavu ponuda, Zakonom o javnim nabavkama i odgovarajućim podzakonskim propisima.

Uvidom je Komisija II ustanovila da dostavljene ponude ponuđača: 1. „BH SIGURNOST“ d.o.o. Tuzla; 2. Agencija za zaštitu ljudi i imovine „SWORD SECURITY“ d.o.o. Sarajevo i 3. „UNILAB“ d.o.o. Sarajevo, ispunjavaju kvalifikacione, formalno-pravne i tehničke uslove, odnosno da ispunjavaju zahtjeve Ugovornog organa iz Javnog poziva za dostavu ponuda za predmetnu nabavku, te da su sve ponude prihvatljive u smislu Zakona o javnim nabavkama.

Detaljnom računskom provjerom ispravnosti ponuda navedenih ponuđača, Komisija II je utvrdila da su dostavljene ponude računski ispravne, te da su ispravno obračunate ukupna cijene ponude sa popustom i PDV-om.

U daljem toku postupka, Komisija II je postupajući u skladu sa članom 66. Zakona o javnim nabavkama („Službeni glasnik BiH“, broj 39/14 i 59/22) i članom 17. stav (7) tačka b) Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15), ponuđaču „UNILAB“ d.o.o. Sarajevo dostavila zahtjev za obrazloženje ukupne cijene dostavljene ponude koja je u odnosu na drugorangiranu prihvatljivu ponudu, ponuđača Agencija za zaštitu ljudi i imovine „SWORD SECURITY“ d.o.o. Sarajevo, niža za više od 20%, odnosno za 24,62%. Ponuđač „UNILAB“ d.o.o. Sarajevo nije Ugovornom organu u ostavljenom roku dostavio traženo obrazloženje neprirodno niske cijene dostavljene ponude. Slijedom naprijed navedenog, Komisija II je jednoglasno zauzela stav da se ponuda ponuđača „UNILAB“ d.o.o. Sarajevo odbaci u skladu sa članom 66. stav (1) Zakona o javnim nabavkama („Službeni glasnik BiH“, broj 39/14 i 59/22) jer ponuđač nije u ostavljenom roku dostavio osnovano obrazloženje neprirodno niske cijene ponude, zbog čega je ista isključena iz daljeg postupka evaluacije.

Nakon odbacivanja ponude ponuđača „UNILAB“ d.o.o. Sarajevo, Komisija II je primjenom istog člana 66. Zakona o javnim nabavkama („Službeni glasnik BiH“, broj 39/14 i 59/22) i člana 17. stav (7) tačka b) Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15), ponuđaču Agencija za zaštitu ljudi i imovine „SWORD SECURITY“ d.o.o. Sarajevo dana 02.07.2024. godine, putem e-maila, dostavila zahtjev za obrazloženje ukupne cijene dostavljene ponude koja je niža za više od 20%, odnosno za 37,56% od cijene drugorangirane prihvatljive ponude, ponuđača „BH SIGURNOST“ d.o.o. Tuzla.

Ponuđač Agencija za zaštitu ljudi i imovine „SWORD SECURITY“ d.o.o. Sarajevo nije Ugovornom organu u ostavljenom roku dostavio traženo obrazloženje neprirodno niske cijene dostavljene ponude.

Slijedom naprijed navedenog, Komisija II je jednoglasno zauzela stav da se ponuda ponuđača Agencija za zaštitu ljudi i imovine „SWORD SECURITY“ d.o.o. Sarajevo odbaci u skladu sa članom 66. stav (1) Zakona o javnim nabavkama („Službeni glasnik BiH“, broj 39/14 i 59/22) jer ponuđač nije u ostavljenom roku dostavio osnovano obrazloženje neprirodno niske cijene dostavljene ponude, zbog čega je ista isključena iz daljeg postupka evaluacije.

U daljem toku postupka izvršena je ocjena i vrednovanje preostale prihvatljive ponude prema pravilima propisanim Zakonom o javnim nabavkama i podzakonskim aktima, kao i procedurama utvrđenim u tenderskoj dokumentaciji za predmetnu nabavku, primjenom kriterija iz tenderske dokumentacije, kako slijedi:



Rangiranje ponuda na osnovu kriterija za izbor ponude „najniža cijena“ u skladu sa člana 64. stav (1) tačka b) Zakona o javnim nabavkama:

Rang	Ponudač	Ukupna cijena bez PDV-a (KM)
1.	„BH SIGURNOST“ d.o.o. Tuzla	2.380,00

Sa izabranim ponuđačem će se zaključiti ugovor, u skladu sa članom 4. Pravilnika o postupku dodjele ugovora o uslugama iz Aneksa II. Zakona o javnim nabavkama („Službeni glasnik BiH“, broj 2/23).

Komisija II je u daljem radu donijela jednoglasnu odluku da se Općinskom načelniku dostavi

### PREPORUKA O PRIHVATANJU PONUDE

Ponuđača „**BH SIGURNOST**“ d.o.o. Tuzla, ulica Bosne Srebrene bb, 75000 Tuzla, broj: 53-06/24-A od 18.06.2024. godine, sa cijenom u ukupnom iznosu od **2.380,00 KM** bez PDV-a, odnosno **2.784,60 KM** sa PDV-om, za usluge za održavanje alarmnog sistema na vodovodu Nahorevo (objekat – rezervoar).

Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

#### Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke shodno članu 101. stav (1) tačka d) Zakona o javnim nabavkama.

Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona o javnim nabavkama.

Zalba se podnosi u dovoljnom broju primjeraka, a koji ne može biti manji od tri.

Prilog: Zapisnik o pregledu i ocjeni ponuda  
broj: 10/E-11-4094/24 od 05-07-2024. godine



**OPŠTINSKI NAČELNIK**

Srdan Mandić

#### Dostaviti:

1. Ponuđaču: „BH SIGURNOST“ d.o.o. Tuzla, ulica Bosne Srebrene bb, 75000 Tuzla
2. Ponuđaču: Agencija za zaštitu ljudi i imovine „SWORD SECURITY“ d.o.o. Sarajevo, ulica Alipašina broj 83, 71000 Sarajevo
3. Ponuđaču: „UNILAB“ d.o.o. Sarajevo, ulica Drinska broj 70, 71000 Sarajevo
4. Kabinetu općinskog načelnika – Odsjek za javne nabavke
5. Službi za stambene i komunalne poslove
6. Službi za finansije
7. U spis